

Ini jelas membuktikan hasrat dan keazaman Kerajaan Persekutuan, membawa kemajuan ke negeri ini, supaya rakyatnya dapat menikmati kemakmuran yang lebih meningkat lagi.

12. Inilah gambaran dan jaminan yang mesti dijelaskan dan diterangkan kepada rakyat jelata, terutama kepada suku-suku kaum dan lain-lain kaum Bumiputra yang miskin. Dasar-dasar dan program-program yang telah disusun untuk dilaksanakan, hanya dapat mencapai kejayaan sepenuhnya, dengan adanya kerjasama dan persefahaman di kalangan rakyat, serta sokongan dan kepercayaan rakyat kepada Kerajaan. Dengan wujudnya perpaduan, maka keselamatan negara akan terjamin, dan Kerajaan